



DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA.

CARDINALITIS DISPUTATIONIBUS,  
*manè discutienda in Scholis Medicorum, die Jovis decimo-sexto mensis,  
Februarii, anno Domini M. DCC. XLVII.*

M. CLAUDIO-ANTONIO RENARD,  
Doctore Medico, Præside.

*An pręgnanti deambulatio?*

I.



ŒMINA, in cujus eleganti fabricâ partes inter se omnes  
cum quodam lepore consentiunt, numeris omnibus perfectum  
& expletum animal à naturâ intenditur, quæ luculentum suæ  
dedit specimen industriæ, dum in eam ut sui delicias, tot veneres,  
& gratiarum ornamenta congescit. Fœmina quanquam animæ nobi-  
litate viro non inferior, ab eo tamen animi viribus plurimum dif-  
ferit, & dotes possidet longè diversas, sicut quod in ipsâ concinnum;

A

politum, & comptum apparet, id ipsum in viro effœminatum, fractum, molle & abjectum habeatur. Neque etiam partium tantummodo generationi infer-  
vientiũ situ & numero, sed & earumdem structurâ, frigidiorique & humidiori  
totius corporis temperie à Mare discernitur. Hæc digna conjugis amplexibus,  
ejusque adjuncta consortio, in se ipsâ generat, multumque confert ad opus om-  
nium maximè naturale: unâ enim cum sanguine, quem antequam huic operi  
navet operam, ut superfluum & solâ copiâ excrementitium singulis mensibus  
excernere solet, semen quoque sufficit atque subministrat, quod non semper  
virili postponitur: utrumque non animatum, utrumque prolificum est, & è  
solis testibus decidit, ad quos longo viâ tractu per vasa sinuosa arte singulari  
naturâ purior sanguis amplissimis spirituum copiis comitatus appellit, ut morâ  
diuturniore materia seminis præparetur, præparata à testibus recipiatur innatâ  
proprietas, ut unicuique parti corporis inlitum est, proprium & sibi conveniens  
alimentum recipere more stirpiũ, quæ cognatum humorem & sibi magis fami-  
liarem ex parente omnium tellure fugunt & dulciter proleant.

## I I.

UT promittunt divitiis quas non exhibent, pauperes Alchymistæ, dum aurî  
sacrâ fame luridi ac penè eneçti, alibi quam in fodinâ confici atque fabri-  
cari credunt: sic illi parum sui sunt memores, & magno conatu magnas nu-  
gas dicunt, qui alium ab utero locum homini generando substitui posse nimium  
credulis persuadent. Jaceret sanè Divina vis insita semini, nisi mirabili uteri vir-  
tute fuscicaretur, ubi, velut in solâ humani diversorii cellulâ, necessarij concu-  
runt apparatus, unique parti nobilissimâ innata virtus est semen proliciendi, in  
actum promovendi, suoque sinu & complexu amabiliter fovendi: atque ex pa-  
rentis utriusque nexu & consuetudine, seminis à Mare emissî integritate,  
arctâque illius intrâ fundum naturæ seracissimum retentione, & retenti promo-  
tione ad officium, tantæ molis opus exurgit, & gravida evadit mulier, cujus  
graviditas non ex solo ventris tumore, aut menstruorum suppressione, non ex  
oculis sublividis, aut urinarum substantiâ, colore & sedimento, sed ex sceris mo-  
tu, ut certo & indubitato hominis inchoati indicio, dumtaxat agnoscitur, qui  
recipit & adipiscitur in utero tanquam in verâ vitæ officinâ nutrimentum, accre-  
tionem, maturitatem, & sui carceris impatiens ex illius latebris tandem emergit,  
ut lucem suavissimam aspiciat.

## I I I.

MULIEREM utero gerentem velut agmine facto pravorum affectuum  
malias confestim invadit: modò ex depravatâ appetentiâ variorum premitur  
desiderio, quæ interdum aut acida aut acerba, aut acria & falsa sunt: modò  
expetit testas, carbones, veteres pannos, & alia peregrina & à naturâ prorsus  
abhorrentia: modò illam farigant & affligunt animi deliquia, gravedines, capitis  
dolores & dentium acerbissimi, screatus frequens, nausea, vomitio quoque ple-  
rumque comitatur eorum maximè humorum qui in præcordiis redundaverint;  
status sæpissimè permulti circum claustra fremunt, qui distendentes abdomen sæ-  
vissimos cruciatus inferunt, torum denique corpus, iners, plumbeum, langui-  
dum, importunâ lassitudine fractum faulcit: Hæc & aliæ gravissimæ quæ impen-  
dent procellæ, crebrò ortum repetunt ex vitioso quodam recremento ob sup-  
pressos menses ventriculi tunicis impacto, aut ex impuris vaporibus, nec rarò

quoque contingant prægnantis incautæ vicio, quæ & nimio languescit situ & pigritiâ, & omnis generis cibus indulget ac sese ingurgitat, quorum plerisque malè creditur, undè suæ quasi libidini relictî humores, nec amplius edomiti à naturâ, quæ penitus incumbit conformationi & perfectioni fœtus, magnâ copiâ coaccervantur, & obstructions pariunt, nec non transpiratione prohibita putredinem, & ferocem in dies induentes indolem magnas strages edunt ubicumque ponunt vestigium, cunctaque intrus diruunt & turbant, ex quibus febres variæ ac infinitæ penè calamitates erumpunt.

## I V.

**QUEMADMODUM** qui nullis se corporis motibus exercent, & inertie quietique perpetuæ se totos addicunt, crassitie & gravitate corporis enervati, deteriori valetudine fruuntur, ut quos occupat & obruit uberrimus excrementorum proventus, quæ calorem nativum interceptiunt, corpus refrigerant, & morbis frigidis atque humidis materiam suggerunt: sic gravissima sibi importat mala gravis mulier, dum à quâcumque corporis exercitatione prorsus abducitur, sibi & fœtui non parùm amica & salutari. Causam sanitatis conservatricem agnoscit pars Medicinæ salubris motum & exercitationem: æquis illius legibus impune nemo refragatur: non finit ergo quemquam, cuiuscumque sit ordinis & conditionis, absque magno sui detrimento, se totum dedere quieti, languori & desidie, his vitiis ipsamet natura reclamitat. Sic recens natis agitatio in cunis tenet locum exercitii, qui jam uteri latibulis conclusi, motu & calcitratu instituerant exercitationis cuiusdam rudimenta: pueri competunt lusus & cursus temperati, adultis & robustis pila palmaria, venatio, equitatio; senibus ut jam essetis & imbecillis, gravidis mulieribus, convalescentibus & nondum è morbo recreatis, deambulatio. Istæ exercitationes cuique ætati & temperamento congruentes & idoneæ, ad prosperam valetudinem iter munitum ac exploratum exhibent, quarum scilicet virtute & beneficio gravium propulsantur agritudinum incommoda, quibus ob ventilationem occasio præciditur, necnon excrementa discutiuntur, suâ experientiâ, morâ & cunctatione perniciem aspersura visceribus, calorque nativus solutus & liber redditur vegetior, alimenterum concoctio, distributio, nutritioque fit felicior, & functionum integritas totiusque corporis robor prodit.

## V.

**SUOS** fœtus & maternos patitur manes, dum ad rem suam parùm attentæ sgravida parens, veterno torpet & hebescit ignaviâ, amplamque excrementorum segetem congerit, quorum colluvie & contagione sordescit, & inficitur salutare fœtus pabulum, cujus benignitate destitutus, pravè nutritur, languorem vitiosamque constitutionem contrahit & labem, quæ, quamvis ipsa cupiat salus, nusquam eluitur. Sic caducis principiis fatus, & inops vitalis fundi, nascitur iniquis conditionibus. Felix ille è contrario, qui toto gestationis tempore ex puro & laudabili sanguine materno, ut primo sui alimento, vim ortus sui duxerit, & temperaturam in morbos nequaquam proclivem, ut non minùs bonâ constitutione, quàm fortunarum possessione gaudeat. Fœtus ergò magnos percipiet sanitatis fructus, neque huic & sibi felicitatem exiguum accerset gravidæ parens, si servatâ idoneâ victûs lege, cæterisque ad hunc statum requis-

tis, moderato corporis motu se exerceat, non quidem vectatione in curru; quæ frequentiores abortus ciet, mulieri vacanti ad tædium demulcendum præscribendâ, non aliis laboribus seu exercitiis, pueris, adultis & robustioribus concessis, in quibus corpus nimium agitur, verum deambulatione cuique graviditatis tempori accommodatâ, per vias tritas, planas, à solis ardoribus tutas, platano cœlibe conspersas & opacas, cujus usu jucundo in gratiam redit cum alimentis salubribus, corpus universum non nihil incalescit & ventilatur, onustum levatur, ac superfluis plerisque vacuum evadit, facilis fit & libera spiratio, omnis lassitudinis sensus caltigatur, causaque tot affectuum quibus graviditas opportuna est, quasi statione relicta, dissipatur & evanescit: quæ demum artubus potissimum inferioribus, uteri ligamentis, musculis abdominis vigorem qui sufficiat ventris oneri, firmitatem & alacritatem procurat: hinc vires se proferent ante omnia labori partus sustinendo pares, qui naturalis condiciones sortitus, haud dubiè Lucinâ etiam non opem ferente, faustum habebit eventum, & prægnans pulchrâ faciet se prole parentem.

*Ergò Prægnanti deambulatio.*

Proponerat Parisiis PETRUS-AUGUSTUS ADET, Parisiensis,  
Saluberrimæ Facultatis Medicinæ Parisiensis Baccalaureus, A. R. S. H. 1747.  
à sextâ ad meridiem,